

DISSERTATIO ACADEMICA
DE
EMENDATIONE MORALI.

QUAM,

CONS. AMPLISS. FACULT. PHILOS. ABOËNS.

SUB PRÆSIDIO

Mag. ANDR. JOH. LAGI,

Philos. Pract. Professoris P. & O.

PRO GRADU PHILOSOPHICO

PUBLICE EXHIBET

FREDERICUS GRÖNHOLM,

V. D. Min. Satacundenfis.

In Auditorio Philosophico die VII Octob. MDCCXV.

Horis a. m. consuetis.

ABOË, TYPIS FRENCKELLIANIS.

*Sanabilibus agrotamus malis: nosque in rectum genitos
natura, si sanari velimus, adjuvat.*

SENECA,



Historia vetustior est querela, mundum in malo versari, nec nostrum aliquis est mortalium, qui de semet diffiteri valeat, voluntatem quidem sibi esse, at deesse effectiōnē, vel ullus, qui, serio secum reputans & sincere, hypocriteos plenam & ostentationis de semet prædicare valeat Pharisei formulam: Tibi gratias ago, Domine, quod non sim, quales ceteri homines.

Quæ cum ita sint, & quum nemini nostrum non præsens sit semper imperium Rationis: ut alias indies fiat meliorque homo; exoritur sponte quæstio, maximi sane illa momenti, an & quo pacto hoc fieri posit? Quam pro modulo virium tenui solvere nobis in animum induximus: mitiorem conatum a Lectore b. nobismet expertentes censuram.

A

Jam

Jam quidem per se patet, quod, quia, sive bonus sive malus sit homo, pro effectu liberi ejus arbitrii habendum est, ni omnis pereat imputatio moralis; quodecunque sensu morali sit, suo ipsius merito vel culpa esse hominem. Namque illam libertas arbitrii naturam habet prorsus peculiarem, ut nullo poscit ad actionem quandam determinari elatere, nisi quatenus in normam suam homo eandem receperit. Neque aliter elater, quicunque demum sit, cum spontaneitate arbitrii absoluta potest consistere. Est vero lex moralis coram tribunali Rationis elatior per se sufficiens, & qui ea pro norma utatur, moraliter bonus. Cum itaque lex arbitrium cuiuspiam, respectu actionis, quæ illam spectet, nihilominus haud determinat, necesse est, ut elater Legi contrario obsecutus, a Lege declinaverit homo, moraliter malus. Quorum vero neutrum fieri potest, nisi per spontaneam mentis actionem. Absit ergo ut culpat naturæ dicamus, quod mali simus, vel laudem, si boni videamur; quippe quum in nulla re arbitrium determinante, in nullo appetitu naturæ, sed solum in regula, quam arbitrium sibi ipsi in usum libertatis suæ normam præscribit, potest mali causa inesse. Originario neque bonus est, neque malus homo, sed initia tantum boni malique pectore gerit, fructuum, quos gignant hæc stamina, ipse auctor solus.

Quum

Quum ergo hominem natura bonum loquimur, vel natura malum, non aliud salva libertate intelligere possumus, quam inesse homini causam subjectivam utendæ libertatis sub legibus moralibus objectivis, quæ causa, ubicumque demum lateat, omnem, quæ sub sensus cadat, actionem antecedat. Quæ vero causa subjectiva ipsa actus libertatis sit, ratioque prima normarum, quæ cum Lege vel contentiant vel repugnant, h. e. bonarum vel malarum, constituendarum, in libero arbitrio (neque adeo in facto ullo, quod dari per experientiam possit) sita sit, necesse est, si de bono morali, malove, in homine sermo esse posit. Hominem itaque bonum dicere solemus, vel malum, non idcirco, quod actiones patrat, quæ cum Lege congruant, vel eidem sint contrariæ; verum propterea, quod phænomena hæc, sensibus obvia, ita sint comparata, ut ex iis ad bonas malasve in agente normas concludi possit.

Quo autem fieri possit modo, ut bonum vel malum semet reddat homo: qui, ut, licet boni stamina nobis quasi insita sint, ab ipso declinationem nobismet normam constituamus, & qui, corrupta semel regula subjectiva, eandem deferere atque meliorem adoptare valeamus: verbo: qui a bono in malum labi & ab hoc ad saniora nos evehere possimus — hæc omnem intelligendi facultatem nostram longe superant. Reapse fieri hæc, nos evincit conscientia: per libertatem solam fieri posse, ratio extra

tra dubium ponit. Quumque adoptatio normarum moralium libera sit, atque præter normam ratio determinandi arbitrii liberi nec debeat afferri, nec possit; patet, causam, cur normam bonam malamve sumferis, non in ullo elatere extero ponendam esse; sed in norma quadam, quæ suam rursus causam habeat, necesse est, similem, & sic in infinitum. Unde constat, ad causam rationum determinandi subjectivarum primam pertingere nosmet numquam posse.

Libertas itaque causæ agentis, præfertim in mundo sensibili, nullo modo potest quoad possibilitatem perspici: præclareque nobiscum actum videtur, si modo satis certos nosmet reddere queamus, nullum argumentum impossibilitatis illius locum habere. Quanto melius, quod cum ex conceptu libertatis in phænomenis nihil queat explicari, sed in his indagandis semper duci debeamus mechanismo naturali, prætereaque Antinomia rationis puræ, cum ad absolutum cupit in serie causarum ascendere, in uno pariter atque in altero, incomprehensibilibus implacetur, aliquid sit, cuius tamen ope quæstionem, contemplationi inenodabilem, solvere valeamus: Lex scil. moralis, cuius nobis proxime concii sumus, simulatque leges voluntatis subjectivas proponimus, nobis primum se offerens: dumque ratio illam, ut rationem determinantem, nulla conditione sensitiva supe-

tuperandam, quin eadem prorsus liberam proponit, directa ad conceptum libertatis ducens via. Hæcce haud dislita est, arduoque labore quærenda, sancta Lex, sed cum natura humana intimo conjuncta nexu, & vel simplicissimo præsens, ubicumque de actionibus, quæ a voluntate pendeant, judicaverit. Nihil complectitur jucundi, quod demulceat, sed submissionem postulat; neque tamen minis, quæ terreant, in voluntate commovenda utitur, verum, in mentem aditum ipsa sibi aperiens, vel invito instillat, etsi haud semper obsequium, sed tamen sui reverentiam, h. e. conscientiam submissionis liberæ voluntatis sub Legem, cum coactione tamen necessaria, quæ cunctis propensionibus fit, sed per propriam rationem, conjuncta. Omnem quidem arrogantiam penitus prosternit divina lex, defectumque convenientiæ vitiæ nostræ respectu illius ob oculos ponens, nos, quid simus, quid esse debeamus, reputantes, deprimit; at vero simul supra semet ipsum, qua partem mundi sensibilis, hominem extollit atque evehit; eundem cum eo rerum ordine copulans, quem solum cogitare intelligentia potest, cuique universus mundus sensibilis, cumque eo existentia hominis empirica totumque finium omnium subiecta tenentur. Autonomiam rationis agnoscere jubet; potestatemque ejus obtemperandi præceptis nullis circumscriptam limitibus.

Cum

Cum ergo summa vi in animo nostro intonat præceptum, ut meliores siamus, poterimusne impotentiam eidem obtemperandi obtendere nos, homines liberi? Poteritne incasum & frustra aliquid ratio imperare? Qui vero nobis incumbere emendationis officium poterit, si primaria ejus conditio, a nobis fieri eandem posse, tollatur? Esto, quod non disputamus, ad emendationem effectione & cooperatione opus esse supranaturali: sed si haec vel inminuendis impedimentis consistat, vel etiam adjuvamento positivo sit; necesse tamen est, ut homo adjuvamento hocce *accipiat*, h. e. eodem ad emendationem suam sponte utatur, quo solo fieri potest, ut bonum ei imputetur. Negari itaque non potest, quin concedendum potius est, homini (quem non radicitus corruptum, sed vi deceptionis in malum prolapsum, emendationisque capacem, sistit Scriptura Sacra), quantumvis a bono ad malum aberraverit, stamen boni tamen esse relictum, prorsus purum, quod nec deleri nec corrumpi potest. Ipsum vero hoc stamen in philautia versari nequit, quæ, si pro principio arbitrii absoluto constituantur, fons pugnæ cum moralitate inexhaustus, omnis mali est ipsa scaturigo; tumque etiam, cum Ratio, famulæ vices agens, media finibus ejus aptissima ministrat. A philautia si proficiscatur homo, fines modo ejus ope rationis attingere satagens, prudentia quidem ipsis crescat & calliditas, moralitas vero numquam oriri

oriri poterit; quippe cuius longe alius est fons, Ratio scilicet, quatenus sola forma Legislationis universalis elaterem arbitrio præbet. Sibi placeat forsan, qui necessitatibus solipsismi postulationibusque satisficerit, felicitatis maximæ diutissimæque potitus; erga semet ipsum obseruantia vero illi deerit, donec sibi non conscius sit, philautiæ suæ petitiones omnes absoluto Rationis imperio semet subjecisse.

Boni ergo stamen in homine post admisam malitiam remanens, quo perdita restituatur innocentia, nihil aliud esse potest, nisi quod homo, licet propensione ad malum sua culpa laboret, incolumes tamen conservaverit rationem legislatricem facultatemque, elaterem, legi ejus debitum, adoptandi. Nam si corrupta esset ipsa ratio, vel deperditus, cui originem dedit, elater; frustra eadem recuperare conarremur, tumque nullus emendationi pateret locus.

Non itaque audiendi sunt, qui adeo prorsus vitiatam rationem hominis practicam, ut omnis ipsi perierit stimulorum moralium sensus, impossibilem ergo homini esse omnem suis viribus emendationem, clamitent. Nova quidem tum opus esse videtur creatione, quæ amissa restitueret. Facile autem patet, ea, quæ per creationem homini contigerint, ad moralitatem non pertinere, neque ergo ad emendationem. Nam quocumque homo sensu morali sit,
vel

vel esse debeat, id se ipse reddat vel reddiderit, necesse est. Bonusne fuerit an malus, oportet utrumque effectum esse liberi arbitrii, nam alioquin neutrum possit imputari; neque ergo bonus neque malus eset homo.

In quonam ergo consistit emendatio? Non quidem in restituenda ratione, neque in comparando elatere ad bonum amissio. Hic enim, qui in obseruantia cernitur erga Legem, quæ vel pessimo tremorem incutit, neque amitti umquam ab homine poterit, neque, si amissus fuerit, recuperari. Neque homo vel sceleratissimus quasi per rebellionem Legi morali obsequium recusare valet. Hæc illi se potius maxime obtrudit; & nisi aliis elater eset, qui contra agat, eam ut rationem determinandi arbitrii idoneam in normam suam supremam adoptaret, moraliterque bonus foret. Est ergo emendatio: ipsius illius, quod summum normarum omnium principium esse debet: adversus Legem reverentiae, ad illam puritatem instauratio, ut non modo cum aliis elateribus conjuncta, vel etiam his subjecta, verum per se idoneus ad arbitrium determinandum elater reperiatur. Omne scilicet malum morale inde oritur, quod homo, vel, si bona sit norma & pura, ad eandem exsequendam nimis sit infirmus (ignavus l. segnis), vel, quod ab ipso confundantur elateres morales & non morales, adeo ut non lex sola pro elatere idoneo valeat, sed actiones officio consentaneæ propter alios,

præter

præter eam, elateres siant: vel quod pervertatur prorsus elaterum ordo, ita ut elateres ex lege morali aliis postponantur, primatusque non-moralibus concedatur. Cum hisce elateribus, per normas contra legem moralem inversis, possunt actiones cum Lege pariter congruae consistere, ac si e genuinis ortæ principiis forent; characterque ergo empiricus bonus esse, etiamsi malus sit intelligibilis. Inestque animo humano certus quidam dolus malus, putrida ille quidem quam maxime generis nostri macula, quo fit, ut sibi ipsi faciat fucum, absentiam vitii pro virtute accipiens, atque dummodo malis, quæ actiones, in quibus lex non considerata fuerit, vel faltem maximam vim haud habuerit, consequi possunt, elabatur, de consiliis haud doleat suis, sed coram lege iustum se potius reputet; quin laudem meritumque de eo sibi arroget, quod non ejusmodi peccatorum reatum sentiat, quibus alios videat oneratos: nihil reputans, impotentia sua, vel temperamento, vel alio quodam fortunæ dono, a vitio perpetrando semet suis fe retentum.

Emendatio itaque in eo cernitur: primo, ut elateri genuina puritas concilietur, Legique normarum omnium nostrarum supremæ regulæ dignitas & vis concedatur: quo bona gignitur mens & sentiendi ratio; deinde, ut necessaria fortitudo comparetur & conservetur, quo potestatem suam in vita exserat sentiendi ratio ejusmodi lustrata, propensiones omnes

B

præ-

præcepto Rationis summo subjiciendo, atque ita compescendo & domando, ut numquam illis fiat satis, nisi cum legislatione Rationis universalis possint conciliari.

Probe observanda sunt duo hæc emendationis momenta. Quod homo, simul ac quidpiam pro officio agnoverit, nullo alio opus habeat elatere, quam hac ipsa officii repræsentatione, id quidem non potest instaurazione succesiva, sed per subitam modo mentis commutationem, effici. Homo, ratione normæ, qua malus erat, per unum propositum constans conversa, ad bonum originarium, quod in sanctitate normarum cernitur, momento transit. Considerari potest hic transitus a fentiendi ratione corrupta in bonam, ut moralis quædam hominis ἀναγέννησις, & nova quasi creatio, qua character gignitur pure moralis, per Rationem solam repræsentandus. Inter ejusmodi characterem eique oppositum, non-moralem, nullum est medium, sed repræsentatio officii, tamquam Legis universalis & unitatis absolutæ, vel pro summo valet normarum principio: estque character bonus; vel non: estque malus. Nullis enim gradibus successivis a se invicem distinguuntur bonum morale malumque, neque aliquo modo finitima cogitari possunt; sed velut cœlum & inferi fibimet invicem opposita sunt regnum lucis & regnum tenebrarum, ac per immensam sejuncta voraginem. Qui non pro me est, inquit itaque Sanctissimus, est contra me. Neque

que mutationi animi, qua *vetus deponitur* novusque induitur homo, i. e. peccato ultimum quasi vale dicit, ut *justitiae vivat*, mortalis, duo per temporis intervallum separati actus morales insunt, sed una tantum est determinatio intellectualis. Fieri namque non potest, ut malum relinquatur, nisi per mentem bonam, qua aditus in bonum aperitur; & vice versa. Et hoc quidem uniuscujusque testatur experientia. Ut enim officium agnoscas, ut sensu observantiae erga illud capiaris, illudque regulam actionum summam atque elaterem adoptes unicum: hoc quidem non labor est, qui, quo succedat, longam poscat annorum seriem; sed sufficit velle. Propositum atque actio intelligibilis heic coalescunt.

Ejusmodi jam mentis commutatio, qua sanctitas normarum oritur, conditio est, non modo prorsus necessaria, verum etiam sufficiens, quo boni capax fiat homo. Est vero inter normam & actionem per magnum intervallum, & qui sanctitate normarum potitus fuerit, homo, nondum idcirco ipse sanctus est; licet in via versetur ad prototypon, quod proponit Ratio, boni moralis, infinito progressu appropinquare. Praecepto autem: estote perfecti (sancti in vita vestra), quemadmodum Pater vester in cœlis perfectus est, quis nostrum mortalium audeat refrigerari? Namque non in theoria & mortua quasi contemplatione, sed in actione viva positum esse scopum

humanum, quisque nostrum agnoscere cogitur. At vero a malo, unde proficiscimur miseri, ad bonum a nobis efficiendum, quanta distantia, infinita, & quo poterimus umquam modo sperare, ut, quod actionem, vitam, attinet, possumus umquam sanctitatem legislatoris attingere! Nam ubicumque ad statum nostrum moralem animum adverterimus, invenimus haud integrum esse rem, sed primum, quod efficere possumus, verum bonum esse, ut a malo, quod in persa norma, ideoque in ipsa libertate nostra situm est, nosmet avocemus. Magnam vero hoc opus poscit animi fortitudinem roburque. Namque primum, quod naturae, ad res, sensibus obnoxias, adstrictae, absolute expetimus, est, ut propensionibus nostris extensive, intensive, protensive fiat satis, vel ut felicitate potiamur. Quod vero idem nobis, ut ratione & libertate praeditis, minime primum est, neque res normis nostris absolute proposita; sed potius dignitas felicitatis potiundae, quae nobis contingere non potest, nisi convenientia omnium normarum nostrarum cum lege morali. Hinc fit, ut ipse exitus e mente corrupta in bonam, & crucifixio carnis prima per se jam jactura videatur, institutioque seriei longae malorum, ad quae excipienda *ἀρετὴ* sane ac virtute, quam aptissimo nomine designarunt Veteres Philosophi, opus est. At vero in via bona angustaque eadem calcanda, quot homini occurrunt impedimenta! Quot propensionum, principiorum in genere adverfatri-

satricium, illecebræ! Quo itaque homo a propensiōne ad vitium, mutatione vitæ succēsiva & normarum confirmatione, ad contrariam propensionem perveniat, continuo opus est nīsu viriumque contentionē. Sīne firmo quam maxime proposito haud fieri potest, ut superentur difficultates, quibus bona norma, exsequenda semper, obruatur, neque sine conatu semper continuato ad melius, ut succedat succēsiva instauratio mentis perversæ, quæ propensionibus, cum ad transgressiones alliciunt, resistere ægre vult. Hoc sensu virtus paullatim comparatur, & a consuetudine fere quadam pendere dici poterit. Quo scilicet sāpius in sensualitatem imperium exercuerit, eo majorē vim roburque normis suis accessisse, intelligit homo. Neque est quoddam, præter hoc ipsum imperium, ex quo de statu morali suo judicare posse homo. Qui itaque ab eo inde tempore, quo principia boni adoptaverit, per ætatem sat longam vim eorum in factō, h. e. in vita, ad meliora progrediente, percepérat, is solus ansam capere potest, ad emendationem animi sui veram conjectura concludendi, lāetusque sperare, semet, cum ejusmodi progressibus, si bona sint principia, vis ad sequentes augeatur, in hac quoque peregrinatione terrestri viam, qua pergere cōperit, haud fore relicturum, sed alacrius in ea progressurum:) quam spem non poterit is concipere, qui in proposito boni, sāpius instituto, numquam semet constantem animadverterit, sed multiplicem potius in

ma-

malum prolapsionem: quoniam ejusmodi indiciis corruptio, radicitus animo infixa, spectandam se obtrudit.

Potest vero character virtutis empiricus exseri, undecumque elater, quo opus eam in rem arbitrio est, depromatur, honestasque externa, legalitas, quæ in observanda lege cernitur, sine mutatione animi perversi, sed modo mutatione morum, exsistere. Sic v. g. sui tantum turpiter studiosus, atque sibimet omnia rapere paratus, ex celebrato illo principio felicitatis, probitati civili adhaerescere poterit: quod videlicet tranquillitatem quæstumve ei adsciscat hæc prudentia; quæ vero si sustuleris, factionibus inhibbit, ad mala quæcumque promptus; quippe quum non ex ratione omnium normarum suprema, nimirum propter officium, agat. Ex ipsis illis vero, quæ breviter attulimus, apparet, speramus, non posse aliquem, qui solum legaliter, neque etiam moraliter bonus sit (b. e. qui virtuti ex charactere intelligibili deditus, nullo ad officium colendum opus habeat elater, præter representationem officii), hominem pro emendato haberi. Simul quoque extra dubium est, quod quantumvis soleant plerumque homines contra singula tantum vitia certare, communem omnium radicem intactam relinquentes; non ab emendandis moribus, sed a mente convertenda charactereque constituendo institui tamen debere formationem hominis moralem. Omne enim pretium morale non quidem

a

a phænomeno, actione externa, judicandum est, sed a norma interna. Cum lege quidem ex aſfe con-
gruere potest actionum series, at ſimul tamen omni
carere pretio morali; ſi nempe pro elatere, præter
ipsam legem, fuerit aliud quid, quo cumque demum
venerit nomine, iſtinctus v. c. quidam, vel in maxi-
mo honore plerumque habitus, ut ſoγyn parentum,
vel misericordia. Abſolute etenim poſcit Lex, ut
ipſa ſola ſemper & ubique pro regula ſubjeſtiva va-
leat elatereque; quod ni fiat, bona numquām eſſe po-
terit actio, ut demum cumque ſplendida fuerit ejus-
dem ſpecies externa. Omne, quod a fide non pro-
ficiſcatur, peccatum eſt. Dum itaque corrupta fue-
rit omnium origo bonorum malorumque, mens
ipſa & ſentiendi ratio, non ſuccedit contra ſingula
vitia belligeratio. Nam bonos fructus qui ferre
mala arbor poterit?

Perfēctum a nobis poſcit Lex: a principio ſan-
cto proficieſci hominem jubet, in normam supremam
recepto, atque in omni actione conſpicuo: nos ve-
ro, ſi nos peccati expertes eſſe dicimus, fallimus
nos ipſos, nec eſt in nobis veritas; quippe quum
facta noſtra — pro quibus quidem quo poterit modo
animus valere? — non in genere tantum & in
univerſum, verum enim vero in quovis temporis
articulo manca ſint & imperfēcta. Numne ergo fru-
ſtraneus μετανοεῖς, quæ ideæ repondeat, ſit cona-
tus,

tus, vanaque, per eundem summo Numini acceptum fieri mortalem, spes dulcissima? Absit, ut hoc cogitemus, animum dejiciens! Nobis quidem, per conceptus relationis inter causam & effectum ad conditiones temporis adstrictis, bonum in phænomeno, i. e. secundum factum, semper mancum manet & imperfectum, neque ut legi sanctæ respondens spectandum umquam: non est nobis nisi in infinitum progressus ad convenientiam cum hac lege potestas data. Ipsi vero Illi, qui rationem omnium arbitrii normarum in summa intuitione sua intellectuali, pura, scrutatur, Deo, ipsum multiplex progressus hujus in infinitum unitas & totum quiddam absolutum est, atque propter animum, unde derivatur (qui supersensibilis est), bonum, etiam quoad factum, vitam. Quocumque ergo temporis articulo positus sit existentiae nostræ limes, certi tamen sumus, licet manci, quod sint nunc & olim

Μαναῖοι οἱ καθάροι τῇ καρδίᾳ ὅτι ἀντοι τον Θεον ὄψονται.

